

# ხელშეკრულება # 57

## სახელმწიფო შესყიდვის შესახებ

ქ. ქუთაისი

10 ნოემბერი 2020 წელი

ერთი მხრივ, შპს „ქუთაისის რეგიონალური სისხლის ბანკი“ (შემდგომში „შემსყიდველი“) წარმოდგენილი მისი დირექტორის ნანა ლობჯანიძის სახით, და მეორე მხრივ, შპს „ბიოლენდი“ (შემდგომში „მიმწოდებელი“) წარმოდგენილი მისი დირექტორის ლევან შეროზიას სახით, „სახელმწიფო შესყიდვების შესახებ“ საქართველოს კანონის შესაბამისად, ელექტრონული ტენდერის საშუალებით, დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

### 1. ხელშეკრულების საგანი და კლასიფიკატორის კოდი

1.1 ხელშეკრულების საგანია: სისხლის ჯგუფის დასადგენი რეაქტივების და კონტრასტული ნივთიერებების (CPV33600000 - ფარმაცევტული პროდუქტები; CPV33696000 - რეაქტივები და კონტრასტული ნივთიერებები) შესყიდვა (შემდგომში საქონელი/შესყიდვის ობიექტი), წინამდებარე ხელშეკრულების პირობებისა და სატენდერო დოკუმენტაციის შესაბამისად, რომელიც თავის მხრივ წარმოადგენს ხელშეკრულების განუყოფელ ნაწილს (NAT200016129).

### 2. ხელშეკრულების ღირებულება

2.1 ხელშეკრულების ჯამური ღირებულებაა: **4659.00 (ოთხიათასექვსასორმოცდაცხრამეტი)** ლარი;  
2.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

### 3. ანგარიშსწორების ფორმა და ვადები

3.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;  
3.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული შესყიდვის ობიექტის მიწოდების შემდეგ ხელმოწერილი მიღება-ჩაბარების აქტის საფუძველზე;  
3.3 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან არაუგვიანეს 20 (ოცი) სამუშაო დღის განმავლობაში.

### 4. საქონლის მიღება ჩაბარების წესი

4.1 შესყიდვის ობიექტი ჩაითვლება მიწოდებულად კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ;  
4.2 შემსყიდველის მხრიდან მიღება-ჩაბარების აქტზე ხელმოწერის უფლება ენიჭება შპს „ქუთაისის რეგიონალური სისხლის ბანკის“ დირექტორს, ნანა ლობჯანიძეს (მისი არყოფნის შემთხვევაში, შესაბამისად უფლებამოსილ პირს).

### 5. საქონლის მიწოდების ადგილი და ვადა

5.1 ქ. ქუთაისი. ვარლამიშვილის ქ. #5

5.2 მიწოდება განხორციელდება ხელშეკრულების გაფორმებიდან 2020 წლის 31 დეკემბრის ჩათვლით, ეტაპობრივად, შემსყიდველის მოთხოვნის შესაბამისად, შემსყიდველის მოთხოვნიდან 3 სამუშაო დღის განმავლობაში.

## **6. მხარეთა უფლება-მოვალეობები**

6.1 შემსყიდველს უფლება აქვს:

6.1.1 ნებისმიერ დროს განახორციელოს კონტროლი (ინსპექტირება) და ზედამხედველობა მიმწოდებლის მიერ ხელშეკრულების პირობების დაცვაზე;

6.1.2 მისაწოდებელი პროდუქტების ჩამონათვალიდან, საჭიროების მიხედვით, შეიძინოს რომელიმე პროდუქტი სავარაუდო შესასყიდ რაოდენობაზე მეტი ან ნაკლები ოდენობით, შესყიდვის ობიექტის საერთო ღირებულების გაუზრდელად.

6.2 შემსყიდველი ვალდებულია:

6.2.1 უზრუნველყოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

6.2.2 დაიცვას ხელშეკრულების სხვა პირობები.

6.3 მიმწოდებელს უფლება აქვს მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

6.4 მიმწოდებელი ვალდებულია:

6.4.1 მიაწოდოს შემსყიდველს, მისი მოთხოვნის შესაბამისად, საქონელი ხელშეკრულებით დადგენილ ვადებში;

6.4.2 დაიცვას ხელშეკრულებით დადგენილი ყველა პირობა;

## **7. ხელშეკრულებით ნაკისრი ვალდებულებების შესრულების ინსპექტირება**

7.1 ხელშეკრულებით ნაკისრი ვალდებულებების შესრულებას ინსპექტირებას განახორციელებს შპს „ქუთაისის რეგიონალური სისტემის ბანკის“ დირექტორი, ნანა ლობჯანიძე (მისი არყოფნის შემთხვევაში, შესაბამისად უფლებამოსილ პირი);

7.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის კონტროლს;

7.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## **8. ხელშეკრულების პირობების შეუსრულებლობა**

8.1 ფორს-მაჟორული პირობების გარდა, მიმწოდებლის მიერ ვალდებულებების ვადაგადაცილებით შესრულება არ განიხილება და ჩაითვლება, როგორც ხელშეკრულების არაჯეროვანი შესრულება ან/და შეუსრულებლობა.

8.2 ხელშეკრულებით ნაკისრი ვალდებულებების შესრულების ვადის გაშვების შემთხვევაში, მხარე უფლებამოსილია მოთხოვოს დამრღვევ მხარეს პირგასამტეხლოს გადახდა, ყოველ გადაცილებულ დღეზე, შეუსრულებელი ვალდებულების ღირებულების 0.5%-ის ოდენობით.

8.3 იმ შემთხვევაში თუ პირგასამტეხლოს ჯამური რაოდენობა გადააჭარბებს სახელშეკრულებო ღირებულების 3%-ს შემსყიდველი ორგანიზაცია იტოვებს უფლებას ცალმხრივად შეწყვიტოს ხელშეკრულება;

8.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## 9. ხელშეკრულებაში ცვლილების შეტანა და ხელშეკრულების შეწყვეტა

- 9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 9.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 9.5 ხელშეკრულების შეწყვეტა მხარეს არ ართმევს უფლებას დააკისროს მეორე მხარეს პირგასამტეხლო წინამდებარე ხელშეკრულებით გათვალისწინებული პირობებით.
- 9.6 მხარე ვალდებულია არანაკლებ 2 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.4 პუნქტით გათვალისწინებული გადაწყვეტილების მიღების განზრახვის შესახებ;
- 9.7 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 9.8 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

## 10. ინტერესთა კონფლიქტი

საქართველოს კანონის „სახელმწიფო შესყიდვების შესახებ“ მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

## 11. ფორს-მაჟორი

- 11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).
- 11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.
- 11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

## 12. დავები და მათი გადაჭრის გზები

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## 13. ხელშეკრულების მოქმედების ვადა

13.1 ხელშეკრულება ძალაში შედის მხარეთა მიერ ხელშეკრულების ხელმოწერის დღიდან და მოქმედებს 2021 წლის 31 იანვრის ჩათვლით.

13.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

## 14. ზოგადი დებულებები

14.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

14.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

14.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

14.4 ხელშეკრულება ხელმოწერილია მხარეთა უფლებამოსილი წარმომადგენლების მიერ "ელექტრონული დოკუმენტისა და ელექტრონული სანდო მომსახურების შესახებ" საქართველოს კანონის შესაბამისად.

## 15. მხარეთა რეკვიზიტები

|                                                                                                                                                                                                                                                                                          |                                                                                                                                                                                                                                                             |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------|
| შემსყიდველი: შპს „ქუთაისის რეგიონალური სისხლის ბანკი“<br>მისამართი: ქ.ქუთაისი, ვარლამიშვილის ქ N5<br>საიდენტიფიკაციო კოდი: 212677566<br>საბანკო რეკვიზიტები:<br>ბანკი: სს „თიბისი ბანკი“<br>ქუთაისის ფილიალი, TBCBGE 22<br>ა/ა : GE39TB0358836080100003<br><br>დირექტორი: ნანა ლომჯანიძე | მიმწოდებელი: შპს „ბიოლენდი“<br><br>მისამართი: ქ.თბილისი, წერეთლის ქ N140<br>საიდენტიფიკაციო კოდი: 204568146<br>საბანკო რეკვიზიტები:<br>ბანკი: სს „საქართველოს ბანკი“<br>ც/ფილიალი, BAGAGE22<br>ა/ა : GE38BG0000000333461100<br><br>დირექტორი: ლევან შეროზია |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------|

ფასების ცხრილი

| №                                                                      | დასახელება                               | მახასიათებლები                        | მწარმოებელი კომპანია | მწარმოებელი ქვეყანა  | განზომილების ერთეული | რაოდენობა | ერთეულის ღირებულება | საერთო ღირებულება |
|------------------------------------------------------------------------|------------------------------------------|---------------------------------------|----------------------|----------------------|----------------------|-----------|---------------------|-------------------|
| 1                                                                      | სისხლის ჯგუფის დასადგენი რეაქტივები      | ანტი - A 10 მლ                        | rapid labs           | გაერთიანებული სამეფო | ცალი                 | 50        | 14.00               | 700.00            |
| 2                                                                      | სისხლის ჯგუფის დასადგენი რეაქტივები      | ანტი - B 10 მლ                        | rapid labs           | გაერთიანებული სამეფო | ცალი                 | 50        | 14.00               | 700.00            |
| 3                                                                      | სისხლის ჯგუფის დასადგენი რეაქტივები      | ანტი AB 10მლ                          | rapid labs           | გაერთიანებული სამეფო | ცალი                 | 50        | 17.00               | 850.00            |
| 4                                                                      | სისხლის რეზუსის დასადგენი რეაქტივები     | ანტი - D (G+M) 10 მლ                  | rapid labs           | გაერთიანებული სამეფო | ცალი                 | 80        | 21.00               | 1680.00           |
| 5                                                                      | მარილმჟავა 0,1 N (დეცინორმალი) ფიქსონალი | მარილმჟავას 0,1 ფიქსონალი             | ATOM                 | გაერთიანებული სამეფო | ცალი                 | 5         | 12.00               | 60.00             |
| 6                                                                      | საღებავი-აზურ-ეოზინ (რომანოვსკი)         | 500 მლ                                | ATOM                 | გაერთიანებული სამეფო | ლიტრი                | 5         | 90.00               | 450.00            |
| 7                                                                      | რეტიკულოციტების შესაღები ნაკრები         | 100 მლ                                | ATOM                 | გაერთიანებული სამეფო | ნაკრები              | 2         | 85.00               | 170.00            |
| 8                                                                      | ანტიგლობულინური (კუმბსის) ტესტი          | L.I.S.S ხსნარი 10-მლ ან ალბუმინი 22 % | LAB21                | გაერთიანებული სამეფო | ცალი                 | 1         | 24.00               | 24.00             |
| 9                                                                      | ანტიგლობულინური (კუმბსის) ტესტი          | (COOMBS) ANTI-HUMAN GLOBULIN -        | LAB21                | გაერთიანებული სამეფო | ცალი                 | 1         | 25.00               | 25.00             |
| სულ ღირებულება დღგ-ს გათვალისწინებით: ოთხიასექვსასორმოცდაცხრამეტი ლარი |                                          |                                       |                      |                      |                      |           | 4659.00             |                   |

მოწოდებული საქონლის ვარგისიანობის ვადა არ იქნება 1 წელზე ნაკლები მოწოდების დღიდან. საქონლის მოწოდება ხორციელდება შემდეგი პირობით: ხელშეკრულების გაფორმებიდან 2020 წლის 31 დეკემბრის ჩათვლით, ეტაპობრივად, შემსყიდველის მოთხოვნის შესაბამისად, შემსყიდველის მოთხოვნიდან 3 სამუშაო დღის განმავლობაში, Incoterms-2010-ის შესაბამისად, DDP პირობა, შემდეგ მისამართზე: ქ. ქუთაისი, ვარლამიშვილის ქ #5.